



**Ombwdsmon  
Ombudsman**  
Cymru • Wales

# **Swyddog Gwaith Achos (Gwaith Achos) Pecyn Recriwtio**

**Dyddiad Cau: 12 yh, 5 Awst 2026**

# Cynnwys

---

Cyflwyniad

**Gwybodaeth am yr Ombwdsmon**

Gwerthoedd OGCC

**Gair am y rôl**

Disgrifiad Swydd Pwrpas

y rôl

Cyfrifoldebau

Gofynion

**Sut mae Gwneud Cais**

Gwneud cais am y rôl

Canllawiau ar sut i wneud cais

Cyflwyno eich CV

**Y Broses Recriwtio a Dethol**

**Diogelu Data**

Hysbysiad Preifatrwydd

# Cyflwyniad

---

Diolch am eich diddordeb yn rôl **Swyddog Gwaith Achos (Gwaith Achos)** yn Ombwdsmon Gwasanaethau Cyhoeddus Cymru.

Mae'r Pecyn Recriwtio hwn yn cynnwys gwybodaeth am Ombwdsmon Gwasanaethau Cyhoeddus Cymru, y broses recriwtio a sut i wneud cais am y swydd.

Ewch i'n gwefan [www.ombwdsmon.cymru](http://www.ombwdsmon.cymru) i gael rhagor o wybodaeth am y swyddfa.

# Gwybodaeth am yr Ombwdsmon

---

# Gwybodaeth am yr Ombwdsmon

---

Mae gan yr Ombwdsmon dair rôl benodol. Y cyntaf yw ystyried cwynion am ddarparwyr gwasanaethau cyhoeddus yng Nghymru; yr ail yw ystyried cwynion am gynghorwyr yn torri'r Cod Ymddygiad; y trydydd yw sbarduno gwelliant systemig mewn gwasanaethau cyhoeddus a safonau ymddygiad mewn llywodraeth leol yng Nghymru. Mae'r Ombwdsmon yn Gorfforaeth Unigol ac yn Swyddog Cyfrifyddu ar gyfer y swyddfa. Mae'r Ombwdsmon yn annibynnol ar holl gyrff y llywodraeth ac mae'r gwasanaeth sy'n cael ei ddarparu yn rhad ac am ddim. Mae'r Ombwdsmon wedi nodi ei huchelgeisiau yn ei Chynllun Strategol 2023 – 2026, y gellir ei weld ar ein gwefan. Ceir rhagor o wybodaeth am waith y swyddfa isod.

## **Cwynion am ddarparwyr gwasanaethau cyhoeddus**

O dan Ddeddf Ombwdsmon Gwasanaethau Cyhoeddus (Cymru) 2019, mae'r Ombwdsmon yn ystyried cwynion am gyrff sy'n darparu gwasanaethau cyhoeddus lle mae'r cyfrifoldeb am eu darparu wedi cael ei ddatganoli i Gymru. Gall yr Ombwdsmon hefyd gychwyn ymchwiliadau ar ei liwt ei hun, lle mae o'r farn bod amheuaeth resymol o gamweinyddu systemig yn achosi anghyfiawnder personol.

## **Cwynion ynghylch Cod Ymddygiad**

O dan ddarpariaethau Rhan III Deddf Llywodraeth Leol 2000, ynghyd â Gorchmynion perthnasol a wnaed gan Gynulliad Cenedlaethol Cymru dan y Ddeddf honno, mae'r Ombwdsmon yn ystyried cwynion bod aelodau o awdurdodau lleol wedi torri Cod Ymddygiad eu hawdurdod.

## **Sbarduno Gwelliant Systemig/Safonau Ymddygiad**

O dan Ddeddf Ombwdsmon Gwasanaethau Cyhoeddus (Cymru) 2019, gall yr Ombwdsmon osod safonau delio â chwynion ar gyfer darparwyr gwasanaethau cyhoeddus yng Nghymru, cyhoeddi data ar gwynion a chefnogi'r gwaith o ddelio â chwynion yn dda drwy ddarparu hyfforddiant.

# OUR VALUES



## Gwerthoedd OGCC

Mae Ombwdsmon Gwasanaethau Cyhoeddus Cymru (OGCC) yn credu bod diwylliant yn effeithio ar bob agwedd ar sut rydym yn gweithredu a sut mae gwaith yn cael ei wneud. Rydym yn ymddiried yn ymdeimlad gweithwyr o bwrpas, a'r set o werthoedd rydym yn eu dilyn wrth weithredu, i lywio ein diwylliant. Nod ein gwerthoedd yw darparu templed ar gyfer yr ymddygiadau a'r safonau a ddisgwylir wrth weithio i ni, gan amlinellu'r ffordd rydym yn gwneud pethau yma.

### **C Cyflawni:**

Gwneud ein gorau glas

### **C Cydberthynas:**

Parchu ein gilydd a gweithio ar y cyd er mwyn i'r sefydliad lwyddo

### **M Meddwl yn gadarnhaol:**

Dangos brwdfrydedd a balchder o ran pwy ydym ni a'r hyn rydym yn ei wneud

### **C Cefnogi:**

Bod yn gefn i'n gilydd a gwerthfawrogi ein hamrywiaeth

### **P Perchnogaeth:**

Derbyn cyfrifoldeb am bopeth a wnawn

### **P Parodrwydd:**

Agwedd gadarnhaol, hyblyg ac awyddus

# Cyflogwr Chwarae Teg



Mae Ombwdsmon Gwasanaethau Cyhoeddus Cymru yn ceisio sicrhau bod pobl sy'n defnyddio'i gwasanaeth, neu sy'n cael eu cyflogi ganddi, yn cael eu trin yn gyfartal ac nad yw'n gwahaniaethu'n anfwriadol yn erbyn aelodau unrhyw grŵp penodol mewn cymdeithas.

Rydym yn Hyderus o ran Anabledd ac felly rydym wedi ymrwymo i'r canlynol:

- ☐ bod yn gynhwysol ac yn hygyrch i bawb
- ☐ rhoi gwybod am swyddi gwag
- ☐ cynnig cyfweiliad i bobl anabl sy'n bodloni'r meini prawf hanfodol yn y manyleb person
- ☐ darparu addasiadau rhesymol
- ☐ cefnogi gweithwyr presennol

Rydym wedi ennill achrediad Cyflogwr Chwarae Teg ar lefel Arian dan y Cynllun Cyflogwr Chwarae Teg.

# Manteision

---

- Cyflog cystadleuol
- Cynllun Pensiwn y Gwasanaeth Sifil
- Cynllun Oriau Hyblyg
- Aelodaeth Ratach o Gampfa
- Cynllun Arian Iechyd
- Cynlluniau Pryniant Gostyngol
- 32 diwrnod o wyliau blynyddol yn ogystal â gwyliau banc - pro rata ar gyfer gweithwyr rhan amser
- Gweithio hybrid gyda chyfleusterau rhagorol ar y safle ac offer ar gyfer gweithio gartref
- Cwnsela allanol a chymorth iechyd galwedigaethol am ddim

# Gair am y rôl

---

# Disgrifiad o'r Swydd

---

|                     | Teitl y Swydd                                                             |
|---------------------|---------------------------------------------------------------------------|
| Swydd:              | Swyddog Gwaith Achos (Gwaith Achos)                                       |
| Cyflog:             | £30,024 - £32,598 (Gradd INV1 – INV4 OGCC) dyfarniad cyflog yn yr arfaeth |
| Yn atebol i:        | Rheolwr y Tîm Derbyn                                                      |
| Math o Gontract:    | Parhaol – 37 awr yr wythnos                                               |
| Gwyliau Blynnyddol: | 32 diwrnod o wyliau yn ogystal â gwyliau banc                             |
| Cynllun Pensiwn:    | Cynllun Pensiwn y Gwasanaeth Sifil                                        |
| Lleoliad:           | Gweithio Hybrid (Pen-y-bont ar Ogwr/Gartref)                              |
| Gofynion y Gymraeg: | Mae'r Gymraeg yn hanfodol                                                 |

# Pwrpas y rôl

---

Darparu gwasanaeth effeithlon, gwybodus ac ymatebol i aelodau'r cyhoedd ac eraill sy'n cysylltu â'r Ombwdsmon. Rheoli llwyth achosion ac arfer, fel y bo'n briodol, awdurdod dirprwyedig yr Ombwdsmon.

# Cyfrifoldebau Fel Swyddog Gwaith Achos (Gwaith Achos)

---

- ☐ Cofrestru cwynion newydd yn unol â gweithdrefnau'r Ombwdsmon, gan gynnwys derbyn cwynion a wneir ar wahân i gwynion ysgrifenedig
- ☐ Diweddarau'r systemau rheoli achosion yn ôl y gofyn
- ☐ Ymdrin yn effeithiol ac yn gwrtais ag ymholiadau gan aelodau'r cyhoedd neu eraill pa un a ydynt yn dod dros y ffôn, drwy lythyr, ebost neu ymweliad, rhoi gwybodaeth a chynghor priodol a chadw cofnodion perthnasol yn unol â gweithdrefnau'r Ombwdsmon
- ☐ Rhoi ystyriaeth gychwynnol i gwynion y bydd yr Ombwdsmon yn eu derbyn, cyfrannu, yn unol â gradd y swydd, at ganlyniadau gan gynnwys cwblhau, datrys yn gynnar neu gyfeirio ymlaen, a gwneud argymhellion i gydweithwyr ar lefel uwch fel y bo'n briodol.
- ☐ Arfer, fel y bo'n briodol, awdurdod dirprwyedig yr Ombwdsmon gan wneud penderfyniadau am waith achos a'u cyfleu yn ôl yr angen.
- ☐ Cyfrannu'n adeiladol at ddatblygu a gwella cynlluniau, polisiau a gweithdrefnau'r swyddfa
- ☐ Sicrhau bod gennych ddealltwriaeth eang o newidiadau pwysig yn y gyfraith ac mewn ymarfer sy'n effeithio ar awdurdodaeth yr Ombwdsmon.

# Cyfrifoldebau Fel Swyddog Gwaith Achos (Gwaith Achos) (1)

---

- ☐ Gweithredu'n unol â Datganiad Polisi Cyfle Cyfartal yr Ombwdsmon
- ☐ Cyfrannu'n adeiladol at ddatblygu a gwella cynlluniau, polisïau a gweithdrefnau'r swyddfa.

# Cyfrifoldebau (Parhau)

## Fel Swyddog Gwaith Achos (Gwaith Achos) (2)

---

- ☐ Dilyn holl bolisiâu a gweithdrefnau OGCC fel y'u nodwyd yn y dogfennau polisi, y pecynnau cynefino, yr Hwb ac ati.
- ☐ Cyfrannu at ymrwymiad yr Ombwdsmon i arferion da o ran delio â gwybodaeth drwy gydymffurfio â Chyfraith Diogelu Data a pholisiâu a gweithdrefnau'r Ombwdsmon, yn enwedig o ran unrhyw ddata personol neu ddeunydd cyfrinachol.
- ☐ Cymryd gofal rhesymol o'ch llesiant a'ch iechyd a'ch diogelwch eich hun ac o lesiant ac iechyd a diogelwch pobl eraill y gallai'r camau hynny effeithio arnynt.
- ☐ Cyflawni unrhyw ddyletswyddau eraill, sy'n gymesur â'r sgiliau a'r profiad a ddisgwylir ar gyfer y swydd hon ac y gall y rheolwr llinell perthnasol eu dyrannu o bryd i'w gilydd.
- ☐ Gweithredu ar draws holl awdurdodaeth bresennol yr Ombwdsmon neu ei awdurdodaeth yn y dyfodol ac ym mha bynnag dîm gweithredu sy'n briodol ym marn yr Ombwdsmon er mwyn cyflawni amcanion y gwasanaeth.
- ☐ Cynnal gwaith yn ddwyieithog drwy gyfrwng y Gymraeg a'r Saesneg (ar lafar a/neu'n ysgrifenedig) lle mae'r penodiad wedi'i gadarnhau i wneud hynny.
- ☐ Gweithredu'n unol â datganiad polisi'r Ombwdsmon ar Gyfle Cyfartal a darparu gwasanaeth sy'n deg a chyfartal i bawb.

# Cyfrifoldebau (Parhau) Fel Swyddog Gwaith Achos (Gwaith Achos) (3)

---

❑ Gweithredu bob amser yn unol â Gwerthoedd yr Ombwdsmon:

|                          |                                                                           |
|--------------------------|---------------------------------------------------------------------------|
| <b>Cyflawni</b>          | Gwneud ein gorau glas                                                     |
| <b>Cydberthynas</b>      | Parchu ein gilydd a gweithio ar y cyd er mwyn i'r sefydliad lwyddo        |
| <b>Bod yn Gadarnhaol</b> | Dangos brwdfrydedd a balchder o ran pwy ydym ni a'r hyn rydym yn ei wneud |
| <b>Cefnogi</b>           | Bod yn gefn i'n gilydd a gwerthfawrogi amrywiaeth                         |
| <b>Perchnogaeth</b>      | Derbyn cyfrifoldeb am bopeth a wnawn                                      |
| <b>Parodrwydd</b>        | Agwedd gadarnhaol, hyblyg ac awyddus                                      |

# Gofynion – Manyleb y Person

## Fel Swyddog Gwaith Achos (Gwaith Achos):

---

### Meini Prawf Hanfodol

- ☐ Gradd (neu'n aros am ganlyniadau) yn y Gyfraith, Gweinyddiaeth Gyhoeddus neu faes pwnc tebyg
- ☐ Sgiliau cyfathrebu rhagorol ar lafar ac ar bapur
- ☐ Gallu i asesu gwybodaeth gymhleth, chwilio am ffeithiau, dadansoddi gwybodaeth ac adnabod materion allweddol, er mwyn gwneud penderfyniadau rhesymegol ar sail y dystiolaeth a ddarparwyd
- ☐ Gallu cynllunio a blaenoriaethu gwaith yn unol â hynny er mwyn bodloni amserlenni a chynhyrchu llawer iawn o waith
- ☐ Gallu addasu i newid a deall gwybodaeth newydd a newidiadau deddfwriaethol yn gyflym
- ☐ Profiad o ddarparu gwasanaeth sy'n dilyn Deddf Cydraddoldeb 2010

# Gofynion – Manyleb y Person

Fel Swyddog Gwaith Achos (Gwaith Achos):

---

## Meini Prawf Hanfodol

- ☐ Cymhwysedd amlwg o ran systemau TG.
- ☐ Sgiliau gweinyddol rhagorol
- ☐ Hyder i ddelio â galwadau ffôn
- ☐ Aelod da o dîm ond yn gallu gweithio ar ei liwt ei hun.
- ☐ Disgresiwn llwyr a deall yr angen am gyfrinachedd.
- ☐ Gallu gwneud gwaith drwy gyfrwng y Gymraeg (ar lafar a/neu ar bapur)

# Gofynion – Manyleb y Person

## Fel Swyddog Gwaith Achos (Gwaith Achos):

---

### Meini Prawf Dymunol

- ☐ Gwybodaeth a dealltwriaeth eang o awdurdodaeth yr Ombwdsmon, ac o weithredu deddfwriaeth briodol a gweithdrefnau cwynion (neu'n gallu ennill y ddealltwriaeth hon).
- ☐ Profiad o ddefnyddio meddalwedd cyfrifiadurol fel systemau cronfeydd data, systemau cofnodi amser, systemau pwrpasol ac ati.
- ☐ Profiad blaenorol yn y sector cyhoeddus
- ☐ Profiad o weithio / gweithredu mewn amgylchedd sy'n canolbwyntio ar y cwsmer.
- ☐ Trwydded yrru lawn (lân), yn barod i yrru i ymgymryd â'r gwaith/swydd

# Gofynion – Manyleb y Person

## AMODAU ARBENNIG

---

1 Mae'n hanfodol bod y rhai sy'n gweithio i'r Ombwdsmon yn ddi-dduedd a'u bod yn cael eu gweld i fod yn ddi-dduedd. Felly, ni chaniateir i staff sy'n gweithio i'r Ombwdsmon gymryd rhan mewn gweithgaredd gwleidyddol ac mae'n ofynnol iddynt osgoi sylwadau gwleidyddol cyhoeddus, er enghraifft ar gyfryngau cymdeithasol. Os byddwch yn llwyddiannus, byddwn yn gofyn i chi lofnodi ymrwymiad yn cadarnhau eich bod yn cytuno i gydymffurfio â'n polisi cyfryngau cymdeithasol ac adolygu eich ôl troed cyfryngau cymdeithasol ar draws pob platfform rydych yn ei ddefnyddio.

2 Rydym yn gweithredu polisi dim ysmygu

# Sut mae Gwneud Cais

---

# Gwneud cais am y rôl

---

I wneud cais, llenwch y Ffurflen Gais a'i dychwelyd atom. Gallwch wneud cais yn Gymraeg neu yn Saesneg. Ni fydd cais yn Gymraeg yn cael ei drin yn llai ffafriol. Yn y ffurflen gais, gofynnir i chi wneud y canlynol:

- ☐ Rhoi eich manylion personol. Llenwch yr adran hon yn gywir [gan fod y wybodaeth rydych chi'n ei roi yma yn ein helpu ni i gydymffurfio â Deddf Lloches a Mewnfudo 1996].
- ☐ Rhoi manylion eich hanes cyflogaeth os oes gennych rai. Wrth lenwi'r adran hon, gwnewch yn siŵr eich bod yn cynnwys manylion eich swydd bresennol neu ddiweddaraf, hyd yn oed os ydych yn teimlo nad yw'r swydd yn berthnasol i'ch cais presennol.
- ☐ Nodi eich sgiliau, eich cyflawniadau addysgol ac unrhyw brofiad (gwirfoddol neu gyflogedig) a fydd, yn eich barn chi, yn eich helpu i gyfrannu yn y swydd hon at amcanion yr Ombwdsmon. Gwnewch yn siŵr nad ydych chi'n mynd dros y cyfrif geiriau penodol lle mae'n berthnasol, neu os yw'n berthnasol.
- ☐ Rhoi manylion y cymwysterau a enillwyd drwy addysg a hyfforddiant ochr yn ochr ag unrhyw aelodaeth broffesiynol sydd gennych (os yw'n berthnasol).
- ☐ Rhoi manylion dau berson y gellid gofyn iddynt fod yn ganolwyr proffesiynol/personol. Os oes gennych un, dewiswch ganolwr o'ch profiad gwaith/cwrs. Dim ond ar ôl gwneud cynnig y byddwn yn gwneud cais am eirdaon.
- ☐ Llenwi'r Ffurflen Monitro Cydraddoldeb. Bydd y ffurflen hon yn cael ei thrin ar wahân i'ch ffurflen gais, ac yn gyfrinachol, ac ni fydd yn cael ei defnyddio i asesu eich addasrwydd i gael eich cyflogi. Defnyddir y ffurflen hon at ddibenion monitro cydraddoldeb yn unig.

---

Ni allwn ystyried ceisiadau hwyr neu geisiadau anghyflawn. Sicrhewch eich bod yn darparu digon o enghreifftiau yn erbyn y meini prawf i ddangos eich cymhwysedd e.e. nid yw dweud bod gennych brofiad mewn maes yn ddigon, mae angen i chi gynnwys yr hyn yr ydych wedi'i wneud go iawn.

**Y dyddiad cau ar gyfer cyflwyno ceisiadau 12 yh 5 Awst 2026.** Ni ellir ystyried ceisiadau sy'n dod i law ar ôl yr amser a'r dyddiad hwnnw, am ba reswm bynnag.

Rydym yn cadw'r hawl i gau'r cyfle hwn yn gynnar os daw digon o geisiadau i law, felly peidiwch ag oedi cyn cyflwyno eich cais.

# Canllawiau ar sut i wneud cais

---

Bydd y ffurflen gais y byddwch yn ei llenwi a'i chyflwyno yn rhan o'r broses ddethol. Felly, gwnewch yn siŵr eich bod yn cymryd eich amser ac yn cyflwyno eich dogfennau gan ddefnyddio print neu inc du.

- ☐ Darllenwch y Swydd-ddisgrifiad a'r Pecyn Recriwtio hwn yn ofalus cyn dechrau llenwi'r Ffurflen Gais. Mae'r holl ddogfennau recriwtio, gan gynnwys y Ffurflen Gais, ar gael yn Gymraeg ac yn Saesneg.
- ☐ Rhaid i ffurflenni cais ein cyrraedd erbyn y dyddiad cau fel y nodir yn yr hysbyseb a'r Pecyn Recriwtio.
- ☐ Mae'r Ffurflen Gais ar gael fel dogfen Microsoft Word: fe'ch anogir i lenwi'r fersiwn Word a'i hanfon dros ebost gyda'r Ffurflen Monitro Cydraddoldeb i [recruitment@ombudsman.wales](mailto:recruitment@ombudsman.wales)
- ☐ Dylai ymgeiswyr sy'n anfon eu ceisiadau dros ebost nodi y bydd gweinydd yr Ombwdsmon yn diffinio amser derbyn eich cais. Dylai ymgeiswyr y mae'n well ganddynt gyflwyno eu Ffurflen Gais a'u Ffurflen Monitro Cydraddoldeb drwy'r post eu hanfon i'r cyfeiriad post a nodir ar y dudalen nesaf. Sylwch nad yw post dosbarth cyntaf yn gwarantu y bydd yn cyrraedd y diwrnod canlynol. Ni fyddwn yn derbyn unrhyw gais lle gofynnir i ni dalu am unrhyw ddiffyg o ran costau postio.
- ☐ Rhaid i chi lenwi bob adran o'r ffurflen. Gallai eich cais gael ei wrthod os na fyddwch wedi llenwi pob rhan ohono.
- ☐ Llenwch y Ffurflen Monitro Cydraddoldeb. Ni fydd y manylion y byddwch yn eu rhoi ar y ffurflen hon yn rhan o'r broses ddethol.
- ☐ Rydym yn argymhell eich bod yn gwneud copi o'ch ffurflen wedi'i llenwi a'ch swydd-ddisgrifiad ac yn eu cadw ar gyfer eich cofnodion.

# Cyflwyno eich cais

---

Rydym yn ffafrio derbyn dogfennau cais yn electronig erbyn y dyddiad cau at y cyfeiriad canlynol:  
[recruitment@ombudsman.wales](mailto:recruitment@ombudsman.wales)

Fel arall, gallwch argraffu eich Ffurflen Gais a'i hanfon at:

Recriwtio  
Ombwdsmon Gwasanaethau Cyhoeddus Cymru  
1 Ffordd yr Hen Gae  
Pencoed  
CF35 5LJ

Gwnewch yn siŵr eich bod wedi atodi:

- Ffurflen Gais wedi'i Llenwi
- Ffurflen Monitro Cydraddoldeb

Os oes gennych chi gwestiynau nad ydynt yn cael eu hateb yn y pecyn hwn, cysylltwch â Recriwtio ar 01656 644214 neu anfonwch ebost i [recruitment@ombudsman.wales](mailto:recruitment@ombudsman.wales)

# Y Broses Recriwtio a Dethol

---

# Y Broses Recriwtio a Dethol

---

Bydd y panel dethol yn ystyried pob cais cyflawn. Bydd y panel yn ystyried yr wybodaeth, y sgiliau ac unrhyw brofiad perthnasol a nodir yn eich cais. Felly, mae'r wybodaeth rydych yn ei darparu yn hanfodol wrth benderfynu a fyddwch yn cael eich rhoi ar y rhestr fer i'ch hystyried ymhellach. Gwnewch yn siŵr eich bod yn darparu enghreifftiau, gan na fydd dweud "Mae gen i brofiad o..." a pheidio â rhoi enghraifft o'r hyn rydych chi wedi'i wneud yn ddigon o dystiolaeth i ni allu eich sgorio ar yr elfen benodol honno.

## Gofynion arbennig

Fel cyflogwr sydd wedi ymrwymo i'r Cynllun Hyderus o ran Anabledd, bydd yr holl ymgeiswyr sy'n bodloni'r meini prawf hanfodol ac sy'n anabl yn cael eu rhoi ar y rhestr fer. Os oes gennych chi unrhyw ofynion arbennig oherwydd anabledd er enghraifft, cysylltwch â'r adran Recriwtio ar **01656 644214** neu [recruitment@ombudsman.wales](mailto:recruitment@ombudsman.wales) a fydd yn falch o'ch helpu.

## Ieithoedd i'w defnyddio wrth asesu a chyfweld

Ar gyfer y swydd yn y Gymraeg, byddwn yn profi eich Cymraeg. Fodd bynnag, waeth beth fo iaith y rôl yr ymgeisir amdani, os hoffech i'r cyfweiliad gael ei gynnal yn y Gymraeg, rhowch wybod i ni.

---

## Penodi

Cyn penodi:

Bydd angen i'r ymgeisydd llwyddiannus ddarparu tystiolaeth ei fod yn gymwys i weithio yn y DU; darparu dau gyfeirnod llwyddiannus a gwybodaeth am unrhyw gollfarnau troseddol heb eu disbyddu. Byddwn hefyd yn gofyn i chi gwblhau holiadur iechyd.

Mae'n hanfodol bod y rhai sy'n gweithio i'r Ombwdsmon yn ddiduedd a'u bod yn cael eu gweld i fod yn ddiduedd. Felly, ni chaniateir i staff sy'n gweithio i'r Ombwdsmon gymryd rhan mewn gweithgaredd gwleidyddol ac mae'n ofynnol iddynt osgoi sylwadau gwleidyddol cyhoeddus, er enghraifft ar gyfryngau cymdeithasol. Gofynnir i ymgeiswyr llwyddiannus, cyn eu penodi, lofnodi ymrwymiad yn cadarnhau eu bod yn cytuno i gydymffurfio â'n polisi cyfryngau cymdeithasol ac adolygu eu hól troed cyfryngau cymdeithasol ar draws pob platfform y maent yn ei ddefnyddio.

Bydd angen i ni dderbyn dau ganolwr addas ar gyfer eich penodiad i'r rôl. Dim ond ar ôl i gynnig cyflogaeth gael ei wneud a'i dderbyn y gwneir cais am eirdaon.

**Dyddiad cau: 12 yh 5 Awst 2026**

**Mae gennym yr hawl i gau'r cyfle hwn yn gynnar os daw digon o geisiadau i law.**

# Diogelu Data

---

# Hysbysiad Preifatrwydd

---

Mae ein Hysbysiad Preifatrwydd yn esbonio sut y bydd Ombwdsmon Gwasanaethau Cyhoeddus Cymru yn ymdrin â'ch gwybodaeth bersonol (neu wybodaeth bersonol unigolyn yr ydych chi'n gweithredu ar ei ran). Mae'r hysbysiad preifatrwydd yn ystyried gofynion [Y Rheoliad Cyffredinol ar Ddiogelu Data](#) a [Deddf Diogelu Data 2018](#).

Dylai'r rhai sydd â diddordeb mewn gweithio i Ombwdsmon Gwasanaethau Cyhoeddus Cymru gyfeirio at yr hysbysiad preifatrwydd mwy manwl [Hysbysiad Preifatrwydd - Ombwdsmon Gwasanaethau Cyhoeddus Cymru](#).



**Ombwdsmon**  
**Ombudsman**  
Cymru • Wales

---